

# poRADIMO na zajedništvu



Poštovane kolegice i kolege, poštovani klijenti i poslovni partneri GRAWE osiguranja,

Hvala Vam na razumijevanju vanredne situacije u kojoj smo se globalno našli, hvala Vam na savjesnom postupanju i dobroj organizaciji naših zajedničkih poslova u ovakvim okolnostima.

Hvala Vam i na veoma pozitivnoj poslovnoj i ljudskoj atmosferi u neočekivanim vanrednim okolnostima ☺

Dragi prijatelji,

Kao nikada do sada, od osnivanja GRAWE osiguranja d.d. Sarajevo, našli smo se u situaciji da odgovornost i organizaciju poslovnih, kao i porodičnih aktivnosti preuzimamo individualno, procjenjujemo trenutnu situaciju i shodno tome preduzimamo preventivne mjere, kako pojačane higijene, socijalne distance pri razgovoru i radu, tako isto i rada od kuće pa do samoizolacije.

Kao nikada do sada, dolazi do izražaja slogan našeg osnivača, nadvojvode Johana:

*„U jedinstvu je snaga,*

*Dužnost svakoga od nas je aktivno doprinijeti tome.“*

Budimo strpljivi, dodatno promišljajmo o svakom pojedinačnom potezu, komunicirajmo i radimo sa distance, a održavajmo pozitivnu radnu i nadasve ljudsku atmosferu.

Zahvaljujući vama, najbitnijim ambasadorima velike GRAWE porodice, našoj GRAWE poslovnoj kulturi, koja podrazumijeva čovjeka u fokusu, uspješno smo prebrodili i mnoge druge krize (npr finansijsku 2008; Elementarne nepogode 2014. godine i mnogo veće u prošlosti rada GRAWE Konzerna).

Prebrodićemo i savladaćemo uspješno i ovaj izazov, sa sigurnošću tvrdim.

Zajedničkim radom, u novim okolnostima, želimo nastaviti sa našim uspješnim poslovanjem i poRADITI na rješavanju obaveza iz poslova osiguranja u prvom redu, a potom i društveno odgovornom poslovanju.

To se odnosi na sve interesne grupe: Zaposlenike, klijente, dioničare, Institucije Sistema i lokalnu zajednicu.

Narodnim riječnikom rečeno: “Pravno, ekonomski ali prije svega ljudski!”

Niste sami, nećete ni biti, bez obzira na okolnosti i način rada. Širimo taj osjećaj solidarnosti i na svoje porodice, klijente, poslovne partnere, i širu društvenu zajednicu. Ne dopustimo da nas „rad sa distance“ dodatno otuđi, već da nas dodatno zbliži kroz razumijevanje drugog, drugačijeg.

Neka nas u narednom periodu ništa ne obeshrabri, na putu zajedničkog rada, neka nas drži zajednički entuzijazam, marljiv rad i volja. Budimo ono po čemu je GRAWE tim oduvijek poznat:

**Kompetentni, Kreativni, Hrabri, Proaktivni...**

S poštovanjem,

Fikret Hodžić, Predsjednik Uprave GRAWE osiguranja d.d. Sarajevo

*Snaga tima je svaki pojedinačni član. Snaga svakog člana je tim.*

*Phil Jackson*